

**Ricuart di pre Toni Beline tal 11<sup>m</sup> aniversari de muart**

Daspò dai numerôs events metûts in vore tal 2018 par ricuardâ pre Toni tal 10<sup>m</sup> aniversari de muart – events che a an vidodude une grande presince di public e la disinteressade partecipazion e colaborazion di tante int, istituzions, ents e associazions furlanis - il “Comun di Basilian”, “Glesie Furlane”, il “grop amîs di pre Toni” e l'Associazione Culturâl “Colonos” ancje chest'an a intindin onorâ cun agrât la sô memorie.

Par chest a son stâts programâts e metûts adun moments di prejere, incuintri e riflession che nus judaràn a tignî vive la memorie di cheste grande e singolâr figure di om, predi, mestri e inteletuâl ch'al à lassade une olme profetiche te glesie e te culture furlanis, ch'al sarès un delit dismenteâ.

Tant che auguri par ducj chei ch'a ricuardaran e a onoraran pre Toni, nus somein induvinadis lis peraulis di Silvana Schiavi Fachin *“Se o ripiassin in man tancj dai siei scrîts e o rivassin a tornâ a rifletî su tantis des sôs ideis, cussì dispes profetichis e che precorin i temps, o fasaressin un omaç a lui e il plui grant dai regâi a noaltris.”* (Antoni Beline, *Strutture e/o culture – la culture fûr dal popul e je inclusion e pecjât*, Glesie Furlane 2010, presentazion p.24)

**Visepente****Sabide ai 14 di Avrîl 2018**

**A lis 15.00 – 2<sup>de</sup> Cjamine libare “Pai trois di pre Toni”** pe strade di cjamp di Visepente a Villecjasse cun leturis gjavadis da lis oparis di pre Toni e cjantis dal repertori religiôs furlan. Si rivarà li dai “Colonos” dulà che si scoltarà la vôs di pre Toni intune predicje cun teme la Pasche

Simpri li dai Colonos si podarà cjatâ il libri di ricjerce fotografiche *“10 tavole, diari eretic di une vuere invisibile cuinti lis centrâls de omologazion”*, presentât pe prime volte l'an passât inte mostre “Pre Toni al vîf” di Visepente

*Par cure di: Grop amîs di pre Toni e Associazione culturâl Colonos.*

**Basilian****Sabide ai 21 di Avrîl 2018**

**A lis 10** – Biblioteche Civiche “Pre Toni Beline”.

**1<sup>me</sup> Cuvigne “Pre Toni al vîf”** par ricuardâ il pinsîr e l'opare di pre Toni.

A intervegnin:

**Irene Locatelli:** e presenterà in anteprime il so libri *“Una scuola possibile. Il pensiero e l'esperienza di Pietrantonio Bellina”* publicât di Glesie Furlane

**Bruno Forte:** Predis e mestris scomuts: pre Toni Beline e pre Lorenzo Milani.

*“Plêf e plevan a rimandin al popul e propit il popul de biade int al è stât la passion di chestis dôs figuris che a volevin formâ une cussience tes personis par fâlis diventâ un popul di citadins. Vanzeli e Costituzione a jerin il riferiment par fâ cressi ch'ê identitât incjarnade che e libare dal jessi sotans.”*

**Silvana Schiavi Fachin:** Predis e mestris scomuts: pre Antoni Beline e Tullio De Mauro

*“Ma, in veretât, mi rint cont dome di chest: che la plui grande e la plui grivie dificolât de sience umane e somee che si cjati propit là indulà che al si trate di educâ e istruî i fruts.”* (Michel De Montaigne, *Essais*, Livre 1.XXV)

*“Tesi VII, Cence rindisi cont, e po stai cence volêlu, la pedagogjie linguistiche tradizional e ignore e e scjafoie la diversitât dialetâl, culturâl e sociâl che e caraterize la plui part dai lavoradôrs e dal popul talian, mudantle intune cundizion di svantaç.”* (Tullio De Mauro, 1975, *Dîs Tesis pe educazion linguistiche democratiche*)

*Par cure di: Comun di Basilian, Glesie Furlane, grop amîs di pre Toni.*

**Visepente****Domenie ai 22 Avrîl 2018**

**A lis 10** – Cimitieri

Visite a la tombe e ricuart di pre Toni.

Lant in glesie si fermarin un moment li de lapide poiade sul lûc de muart.

**A lis 11.15** – Plêf di Sante Marie Assunte

S.Messe par pre Toni

*A cura di: Plêf di Sante Marie Assunte e grop amîs di pre Toni.*

**Vençon****Domenie ai 22 Avrîl 2018**

**A lis 17** – Plêf di Sant Andree

S.Messe par pre Toni

Presentazion dal libri di Irene Locatelli *“Una scuola possibile. Il pensiero e l'esperienza di Pietrantonio Bellina”* publicât di Glesie Furlane

*Par cure di: Glesie Furlane*